

Beibl i Blant  
yn cyflwyno



Y Brenin  
Golygus a  
Ffôl



Awdur: Edward Hughes

Lluniau gan: Janie Forest

addaswyd gan: Lyn Doerksen

Cyfieithydd: Catrin Roberts

Cynhyrchwyd gan: Bible for Children  
[www.M1914.org](http://www.M1914.org)

©2016 Bible for Children, Inc.


Trwydded: mae gennych hawl i gopïo neu argraffu'r stori hon,  
ar yr amod nad ydych yn ei gwerthu.




Roedd Samuel, arweinydd a barnwr Israel, yn hen. Daeth ei feibion yn farnwyr yn ei le. Ond roedd meibion Samuel yn ddrwg. Roedden nhw'n caru arian ac yn defnyddio eu pŵer i gael arian yn anonest.




Dyma bobl Israel yn dioddef achos bod y meibion yn ddrwg. Roedd y llysoedd yn annheg. Roedd pobl yn gorfod talu arian i feibion Samuel os oedden nhw am gael help.



Roedd yn rhaid gwneud rhywbeth. Un diwrnod dyma arweinwyr Israel yn cyfarfod a gofyn i Samuel am help.




"Gad i ni gael brenin," gofynnodd yr arweinwyr.  
Doedden nhw ddim am i feibion drwg Samuel eu  
harwain. Roedden nhw am gael brenin yr un fath  
â'r gwledydd eraill i gyd.



Aeth Samuel yn flin. Roedd gan Israel  
frenin! Duw Nerthol, Tragwyddol - fe  
oedd yn rheoli dros Israel. Roedd e wedi  
gollwng nhw'n rhydd pan oedden nhw'n  
gaethweision yn yr Aifft, ac wedi  
agor y Môr Coch o'u blaen.







Ac yna roedd e  
wedi rhoi gwlad  
brydferth  
i Israel.






Wrth i Samuel weddio, dywedodd yr ARGLWYDD,  
"Ddim ti maen nhw'n ei wrthod, ond fi. Maen nhw  
wedi addoli duwiau eraill. Gwna beth maen nhw'n  
ofyn a rho frenin  
iddyn nhw."





Dywedodd  
Duw wrth  
Samuel am  
rybuddio'r bobl  
y byddai brenin  
yn hawlio treth  
oddi arnyn nhw;  
yn cymryd eu  
caeau gorau a'u  
gwinllannoedd; ...






... byddai'n  
cymryd eu  
meibion i  
fod yn  
filwyr;  
ac yn  
gwneud i'w  
merched  
weithio  
iddo fe.




GWINLLAN Y BRENIN

On d roedd y  
bobl am gael  
brenin, beth  
bynnag  
fyddai'n  
digwydd.

DIM MYNEDIAD





Cafodd Samuel ei arwain gan  
Dduw at ddyn ifanc, golygus, swil  
a TAL iawn - roedd e'n dalach na  
phawb arall. Saul  
oedd ei enw. Pan  
welodd Samuel  
Saul, dywedodd yr  
ARGLWYDD, "Bydd  
hwn yn frenin ar  
fy mhobl."







Dyma Samuel yn  
tywallt olew dros  
ben Saul a'i wneud  
yn frenin Israel.  
Wrth iddo gyflwyno  
Saul i bobl Israel,  
dyma nhw'n gweiddi,  
"Hir oes i'r brenin!"



Cafodd y Brenin Saul brawf yn fuan iawn  
wedyn. Ffurfiodd byddin Ammon gylch o gwmpas  
un o ddinasoedd Israel, a bygwth dallu llygad de pob  
dyn. Am gynllun creulon!



Clywodd y Brenin Saul am y bygythiad. Dechreuodd baratoi ei fyddin.








Pan ddaeth y  
ddwy fyddin  
wyneb yn wyneb,  
diniotriodd Saul  
yr Ammoniaid ac  
achub y ddinas.  
Dywedodd y  
brenin Saul "Duw  
sydd wedi rhoi'r  
fuddugoliaeth i  
Israel."



Rhoddodd Duw fuddugoliaeth fawr i Saul y diwrnod hwnnw. Ond doedd Saul ddim yn anrhydeddu Duw bob amser. Un diwrnod, cyn ymladd yn erbyn y Philistiaid, cyflwynodd offrymau i Dduw.



Roedd e'n gwybod mai gwaith Samuel oedd hyn.  
Roedd e'n gwybod bod Duw am iddo fe ddisgwyl i  
Samuel gyrraedd. Ond gwrthododd Saul wrando ar  
Dduw!



Ar ôl i Samuel gyrraedd, dywedodd wrth Saul,  
"Rwyf ti wedi bod yn wirion. Dwyt ti ddim wedi  
ufuddhau i orchymyn yr **ARGLWYDD** dy Dduw.


Bydd dy frenhiniaeth  
di yn dod i  
ben."



Efallai bod Saul yn meddwl bod hyn yn  
bechod bach. Ond mae gwrthod gwrando  
ar Dduw bob amser  
yn beth  
mawr.




Dro arall, cafodd  
Saul ei orchymyn  
gan Dduw i  
ddinistrio pobl  
ddrwg Amalec.



Ond  
gadawodd  
Saul a'r  
bobl i  
frenin  
Amalec,  
Agag, fyw.



Fe wnaethon  
nhw hefyd gadw  
trysorau, defaid  
a gwartheg.



Dyweddodd  
Saul bod  
nhw am  
gadw'r  
pethau hyn  
fel offrymau  
i'r **ARGLWYDD**.





Dywedodd Samuel wrth Saul, "Mae ufuddhau yn well na rhoi offrymau. Rwyd ti wedi gwrthod gwrando ar Dduw, ac mae'r **ARGLWYDD** wedi dy wrthod fel brenin Israel." Roedd yn ddrwg gan Saul ei fod wedi pechu.

Ond rhy hwyr! Roedd gweddill ei fywyd yn anhapus achos ei fod e wedi gwrthod ufuddhau i Dduw.





Y Brenin Golygus a Ffôl

Stori o Air Duw, y Beibl

sydd i'w gweld yn

1 Samuel 8-16

"Pan ddatguddir dy air, bydd yn goleuo."

Salm 119:130



Y Diwedd



Mae'r stori hon o'r Beibl yn dysgu ni am ein Duw rhyfeddol.  
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrd i mewn i'm bywyd. Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

